

შრომის ბირჟა და მისი პერსპექტივები საქართველოში

ზურაბ გამაკიძე

სტუ-ს ასოცირებული პროფესორი

მერაბ კელენჯერიძე

სტუ-ს ასოცირებული პროფესორი

XX

შრომის ბირჟა – წარმოადგენს ორგანიზაციულ სტრუქტურას, რომელიც გვევლინება შუამავლად დამქირავებელსა და დასაქმებულს შორის, სამუშაო ძალის ყიდვა-გაყიდვის განხორციელებისათვის, რომლის საფუძველია შრომითი ხელშეკრულება.

პირველად შრომითი ბირჟების საწყისი ფორმები წარმოიშვა XIII – XV საუკუნეებში ჩრდილოეთ იტალიაში. შრომითი ბირჟების ჩამოყალიბების მეორე მცდელობას ადგილი ჰქონდა XVI საუკუნეში – ბელგიაში.

შრომის ბირჟების შემდგომ განვითარებას, ადგილი ჰქონდა XVIII საუკუნის პირველ ნახევარში – გერმანიასა და დიდ ბრიტანეთში. აგრეთვე მან გავრცელება პოვა ევროპასა და მსოფლიოს სხვადასხვა ქვეყანაში.

საწყის ეტაპზე საზოგადოებას ინფორმაცია სამუშაო ადგილების ვაკანსიათა შესახებ მიეწოდებოდა არსებული გაზეთების საშუალებებით, ან ამ საქმიანობისათვის განკუთვნილ სპეციალურ შენობა – ოფისში – კონკრეტული განაცხადის საფუძველზე.

დროთა განმავლობაში შრომითი ბირჟის პირველსაწყისმა ფორმებმა განიცადეს გარკვეული ცვლილებანი, რომლებმაც მიიღეს ახალი ფუნქციონალური მნიშვნელობა – „ნაციონალური შრომითი“ სახელწოდებით, დიდ ბრიტანეთში XX საუკუნის დასაწყისში.

მონოპოლისტური სახელმწიფო ფორმაციის შემთხვევაში, შუამავლის ფუნქციას ასრულებს სახელმწიფოს მიერ შექმნილი „ბირჟები“, მ.შ. „შრომის ბირჟა“, რომლის ფორმირება ხორციელდება სახელმწიფოს გარეშე, იურიდიული სტრუქტურის საშუალებით, იგი შემდგომში განკარგავს მის მოღვაწეობას ყოველი მიმართულებით. ბირჟის სტრუქტურული ფორმირება ფორმალურად ექვემდებარება სახელმწიფოს ისეთ სტრუქტურულ ერთეულს, რომელიც სოციალურ – სტატისტიკურად განსაზღვრავს დასაქმების პრობლემების რეგულირებას ქვეყანაში.

დღევანდელ სინამდვილეში ინტერნეტის მსოფლიო ქსელის არსებობამ განაპირობა – სამუშაოს მაძიებელთა და მიმწოდებელთა ოპერატიული ურთიერთკავშირი, რითაც წყდება არსებულ პრობლემები

- სწრაფად, ნაკლები მატერიალური და მორალური - ფიზიკური ზემოქმედების გარეშე.

მაგალითად, დიდ ბრიტანეთში - დამოუკიდებელი იურიდიული სტრუქტურა JOBScentre Plus – ითვლება სახელმწიფო სტრუქტურად, შრომითუნარიანი ასაკობრივი მოსახლეობისათვის - ქვეყანაში, რომლის მოღვაწეობა ემყარება არსებული ვაკანსიებისათვის სათანადო კვალიფიკაციის პერსონალის მოძიებასა და მათ დასაქმებას. მისი ფუნქციური მოღვაწეობა ვრცელდება, მოსახლეობის სოციალური უზრუნველყოფის ისეთ ვექტორებზე, როგორიცაა:

1. პოტენციალურ სამუშაო ვაკანსიათა არსებული ჩამონათვალი;
 2. პოტენციურ სამუშაოს მაძიებელთა ნუსხა;
 3. პირველი და მეორე ფაქტორების ერთმანეთის მოძიება და დაკავშირება;
 4. სამუშაოს მაძიებელ - უმუშევართა დახმარება;
 5. დახმარება - შრომის უნარმოკლებულთათვის;
 6. დასაქმებისა და დახმარების ურთიერთკავშირი;
 7. კონკრეტულ ვექტორთა რეკლამირება;
 8. დასაქმების პროცესის ხელშემწყობი ღონისძიებანი;
 9. შემოსავლების მიღების სტაბილურობის, ხელშეწყობისა და მისი უზრუნველყოფის ღონისძიებები.
- შრომის საბირჟო სტრუქტურა JOBScentre Plus არსებული ვაკანსიების რეკლამირებას ეწევა - ინტერნეტის საშუალებით - მსოფლიოში და აგრეთვე საყოველთაოდ ცნობილი თავისუფალი ეკონომიკის შრომითი სისტემის LMS (Local Management System) საშუალებით, რაც ხორციელდება სხვადასხვა საშუალებებით:

Δ Jobpoint -სენსორულ ეკრანზე კომპიუტერული ტერმინალი ხელშეწყობით;

Δ JOBScentre Plus - საიტის საშუალებით;

Δ პირდაპირი სატელეფონო ნომრის საშუალებით;

Δ direct.gov.uk - სპეციალური პორტალის საშუალებით.

სატელეფონო კავშირურობის საშუალებით, კვირაში დაახლოებით ერთი მილიონი სამუშაო ადგილის მაძიებელთა მოთხოვნა ფიქსირდება.

ასეთმა მოთხოვნებმა განაპირობა საბირჟო ახალ-ახალ სტრუქტურათა გახსნა ქვეყნის ყველა რეგიონში.

ძიება ზორციელდება შემდეგნაირად:

პირველი ეტაპი – მაძიებელი აკეთებს განაცხადს, სასურველი სამუშაო ადგილის შესახებ გამომდინარე მისი პიროვნული კვალიფიკაციისა და პრაქტიკული გამოცდილებიდან;

მეორე ეტაპი – სოციალური უზრუნველყოფის სამსახური, მაძიებელ პიროვნებას, შევსებული განაცხადის საფუძველზე, აძლევს სათანადო საბუთს, რომელშიც ფიქსირებულია პერსონალის რეგისტრაციის ყველა შესაბამისი პარამეტრი და რეგისტრაციის პერიოდი, რომლის მოქმედების დრო ითვლის „ერთ კალენდარულ თვეს“. მისი გასვლის შემდეგ მაძიებელს მიეწოდება მოძიებული სამუშაო ადგილის სამი ვარიანტი, რომელსაც მაძიებელი ირჩევს.

მესამე ეტაპი – სოციალური უზრუნველყოფის სამსახური, საძიებო პერიოდში, მაძიებელ პიროვნებას - აძლევს ქვეყანაში არსებული „საცხოვრებელი მინიმუმის“ ტოლფასი ოდენობის თანხას, რათა მან სამუშაოს დაწყებამდე უზრუნველყოფით ფულადი დახმარებით შეძლოს არსებობა. თანხა გაიცემა - ყოველკვირეულად. სამუშაოს მაძიებელი არ არის ვალდებული იზრუნოს მინიმალური საშემოსავლო თანხის დაბრუნებაზე, ვინაიდან მისი დამსაქმებელი, ხელშეკრულების საფუძველზე - შრომითი ბირჟის სტრუქტურასთან ახდენს ანგარიშსწორებას, სამუშაოს მაძიებლისათვის სასურველი სამუშაო ადგილით უზრუნველყოფის შემდეგ.

თავიანთი განვითარების პერიოდში „შრომის ბირჟებმა“ გაიარეს რამდენიმე ეტაპი. ჩვეულებრივი „საბაზრო ფუნქციათა“ თვისობრივი არსებობისას, ოფიციალურად, დამსაქმებელსა და სამუშაოს მაძიებელს შორის გაფორმებული „შრომითი გარიგება“ ზორციელდებოდა „ნაწილობრივ შემთხვევითობის ფაქტორით“, სანამ „შრომითმა ბირჟებმა“ არ მიიღეს დღეისათვის არსებული „სრულყოფილი თანამედროვე საბაზრო სტატუსის - პარამეტრები“:

ა) საძიებო კატალოგები;

ბ) სამუშაო საქმიანობის - სრულყოფილი ინფორმაციული აღწერა;

გ) გაფორმებული „შრომითი გარიგების“ საგარანტიო პერიოდში წარმოქმნილი „ფორს-მაჟორული ვითარებისას“ მხარეთა ვალდებულებები და ქმედებანი;

დ) მხარეთა ნაწილობრივ - საგარანტიო ვალდებულებანი და სხვა.

დამსაქმებელსა და სამუშაოს მაძიებელს შორის გაფორმებული „შრომითი გარიგების“ - დადებით ფაქტორებად შესაძლოა ჩაითვალოს:

- საკადრო პოლიტიკის – პროპორციული დაგეგმვა;
- მომგებიანობა – მონაწილე მხარეთათვის: მორალურ, მატერიალურ და ფიზიკურ

ფორმებსა და გამოსახულებებში;

- იმედიანობა;
- კონფიდენციალურობა;
- ოპერატიულობა და სისწრაფე;
- მოქნილობა;
- ლიკვიდურობა;
- საარბიტრაჟო ფაქტორის არსებობა;
- საგარანტიო პერიოდის არსებობა.

„შრომის ბირჟას“ – გააჩნია შემდეგი შესაძლებლობანი:

- მოიძიოს დაინტერესებული სტრუქტურული ორგანიზაციების (ყოველ თვე, ყოველკვარტალურად და ყოველწლიურად) დაკვეთები, მათ სტრუქტურებში არსებულ სხვადასხვა ვაკანსიის შესახებ;
- სრულად შეასრულოს ვაკანსიების დაკვეთები;
- გადაწყვიტოს საკადრო პოლიტიკის მიერ წამოყენებული დაკვეთები;
- მიმართოს ტრადიციულ „შრომის ბირჟებს“ იმ შემთხვევებში, თუ იგი თავისი მონაცემებით ვერ უზრუნველყოფენ ადგილობრივ მოთხოვნილებათა დაკმაყოფილებას;
- მიუხედავად იმისა, რომ „შრომის ბირჟა“ არ წარმოადგენს სავაჭრო ოპერაციის პირდაპირ მონაწილეს, იგი აფიქსირებს და ამტკიცებს ყოველგვარ შრომით კონტრაქტს;
- როდესაც „შრომის ბირჟა“-ზე ზორციელდება „შრომითი გარიგების“ გაფორმება, ბირჟა ამ პროცედურისათვის იღებს სათანადო დაინტერესებას – დამკვეთისგან. „შრომითი გარიგების კონტრაქტი“ ვალდებულია გაიაროს სახელშეკრულებო-საანგარიშო პალატა, ანუ აღნიშნულ პროცედურას გააჩნია უსიტყვო სახელმწიფოებრივი მეთვალყურეობა;
- მონაწილე მხარეთა სურვილისამებრ – ქმედების ანონიმურობა და კონფიდენციალობა სავალდებულო მნიშვნელობად ითვლება საბირჟო საქმიანობაში;
- „შრომის ბირჟების“ დიდი ნაწილის მოღვაწეობა, რომელთაც თავისი საქმიანობით დიდი ოდენობის უზრუნველყოფით აქვთ საქმე – ვალდებულნი არიან განახორციელონ „შრომითი გარიგების“ გაფორმება - სწრაფად, ოპერატიულად და სამართლებრივად, რათა არ გამოიწვიოს სხვა დაინტერესებულ მხარეთა დროში შეფერხება;
- „შრომის ბირჟების“ მოღვაწეობაში, ჩადებულია კოლოსალური პოტენციალი, გაფორმებულია მრავალი შრომითი გარიგება, ვინაიდან დამსაქმებელსა და სამუშაოს მაძიებელს შორის

არსებობს უაღრესად დიდი შრომითი არჩევანი, სხვადასხვა ხარისხის, ასპექტებისა და ფაქტორული მახასიათებლების გათვალისწინებით;

- არბიტრაჟული ჩარევის შესაძლებლობა - მხარეთა შორის „შრომითი გარიგების“ უთანხმოების რეგულირების შემთხვევაში, განპირობებულია, საბაზრო მოქნილობაზე და ზუსტად განსაზღვრულ სტანდარტებზე, რაც ხსნის ფართო საშუალებებს დამსაქმებელსა და სამუშაოს მაძიებელს შორის, სავალდებულო ოპერაციათა მანევრირებისა და პოლიტიკის სფეროში - ცვალებადი საბაზრო ურთიერთობების ფონზე;
- უცხოეთის ნებისმიერ ქვეყანაში, საბირჟო მოღვაწეობა - საბანკო და საფინანსო სისტემის მსგავსად - ითვლება სახელმწიფოებრივ რეგულირებად მოღვაწეობად. ეს კი არაა შემთხვევითობა, ვინაიდან საბაზრო ეკონომიკაში, სამეწარმეო მოღვაწეობაში, პირდაპირი დირექტიული ჩაურევლობისას, სწორედ ბირჟა ითვლება იმ ინსტრუმენტად, რომელიც პირდაპირ ან ირიბად ზემოქმედებს ბიზნესზე. იმის გათვალისწინებით, რომ „შრომის ბირჟაზე“ კონტროლირდება „შრომითი გარიგებები“, ზოგი მათგანი ატარებს გადამწყვეტ ხასიათს, როდესაც სამუშაოს მაძიებელი დახმარებისათვის მიმართავს ბირჟას.
- დღეისათვის მსხვილ შრომის ბირჟებს შორის არსებობს ინფორმაციული კავშირურობა, რაც განაპირობებს მათ უმთავრეს მოთხოვნილებათა დაბალანსებისას, ერთიან მსოფლიო საბაზრო დაკვეთებსა და მათ ფორმირებას შორის.
- შრომითი ბირჟები იძლევიან საშუალებას - განხილულ იქნას სამუშაოზე მიღების პირობები, რამდენიმე სტრუქტურულ ერთეულთა საკადრო სამსახურებს შორის და პარალელურად მიღებულ იქნას ინფორმაცია არსებულ ვაკანსიებზე - სახელმწიფოს დასაქმებითი სამსახურის საბანკო მონაცემებით, ასევე ახალგაზრდული შრომითი ბირჟისაგანაც, მიღებულ იქნას კონსულტაციები სხვადასხვა საკითხებზე - პროფესიონალი სპეციალისტების აზრის გათვალისწინებით.
- შრომის ბირჟის ხელმძღვანელ-ორგანიზატორები, თავიანთ უმთავრეს ამოცანად თვლიან, რაც შეიძლება მოსახლეობის მეტი ოდენობის ჯგუფების წარმომადგენელთა წარმოჩენას, რომლებიც ითხოვენ სოციალურ დაცვას. საიდუმლოს არ წარმოადგენს ის, რომ უმუშევრები არიან ის ადამიანები, რომლებსაც

სურთ მუშაობა დაქირავებულთა სტატუსით, რომლებმაც ვერ შეძლეს გარკვეული პერიოდის ძიების შემდეგ - სასურველი სამუშაოს მონახვა, მისი შესაბამისი სპეციალობისა და კვალიფიკაციის მიხედვით.

რუსეთში შრომის ბირჟები იწოდება - „მოსახლეობის დასაქმების ცენტრებად“. იგი სახელმწიფო კანონმდებლობით ასრულებს:

- მოსახლეობის სოციალური დაცვის ფუნქციას;
- მოსახლეობის დასაქმების ფუნქციას;
- ორგანიზაციებისათვის - კოორდინაციულ ფუნქციათა მინიჭებას;

● კონცეპტუალურ მიმართულებათა სრულყოფას - მოსახლეობის მიგრაციული გადაადგილებისას და მისი ეფექტურობის ზრდის ღონისძიებებს;

● სახელმწიფოებრივ/არასახელმწიფოებრივ და ბიზნეს-სტრუქტურათა ნაწილობრივ მონაწილეობას შრომითი მიგრაციის მართვაში;

● კონცეპტუალურ მიდგომათა და პრაქტიკულ რეკომენდაციათა სამეცნიერო ფორმირებას - შრომითი მიგრაციის სფეროში;

● „შრომითი ბირჟების“ ფუნქციონალური მიგრაციის - ეფექტურობის რეგულირების მექანიზმის დახვეწასა და მათ სრულყოფას;

● მყარ მიგრაციული მახასიათებელ/მაჩვენებელთა ფორმირებას მოსახლეობის მზარდი გადაადგილებისას, სადაც გათვალისწინებულია არალეგალური მიგრაციის მიზეზები და მათზე ზემოქმედების გზები.

განვიხილოთ რუსეთში „მოსახლეობის დასაქმების ცენტრის“ მოღვაწეობის მაგალითი, სადაც ჩანს ამ სტრუქტურული ორგანიზაციის საქმიანობა და არსებულ პრობლემათა მოგვარების გზები - მის წინაშე მდგარი ტიპური საკითხის გადაწყვეტისას.

„მოსახლეობის დასაქმების ცენტრისა“ და ახალგაზრდული შრომითი ბირჟის მიერ ეკსპოპავილიონში ჩატარებული - ვაკანსიებისა და სამეცნიერო ადგილთა საქალაქო ბაზრობამ განაპირობა სამუშაოს მაძიებელთა მოზღვავება, სადაც:

Δ სამუშაოთა მაძიებელთა 54,3% წარმოადგენდნენ ქალები;

Δ სამუშაოთა მაძიებელთა 46,1% წარმოადგენდა - ახალგაზრდობა;

Δ სრულ სამუშაოთა მაძიებელთა 56% შეადგენენ უმუშევრები;

Δ მათ შორის 61% ადრე ანალოგიურ ღონისძიებაში არ მონაწილეობდნენ;

Δ ბაზრობა მუშაობს ჩვეულებრივ რეჟიმში;

Δ ბაზრობის მუშაობაში მონაწილეობა მიიღო - 62 ორგანიზაციამ და სტრუქტურულმა ერთეულმა, რომელთაც წარმოადგინეს საძიებო ვაკანსიათა ნუსხა;

Δ ბაზრობას დაესწრო 23 ათასი ადამიანი. მათ კონსულტაციას უწევდა 60 სპეციალისტი და ემსახურებოდა 50 კომპიუტერი;

Δ მიღწეულია შედეგები: სამუშაო ადგილის მიმწოდებელი ორგანიზაციების მიერ შეთავაზებული ადგილებიდან, მომსვლელ-მამიებელთა 20 ათასი ადამიანის მიერ იქნა შერჩეულ-დაკავებული წარმოდგენილი ვაკანსიები.

აღსანიშნავია, რომ ამ ღონისძიებამ გამოავლინა - მეტად საინტერესო და მოულოდნელი ტენდენციები:

Δ შემოთავაზებული ვაკანსიებიდან - შევსებულ იქნა დღეისათვის ისეთი პოპულარული სპეციალობები, როგორიცაა: მენეჯერი, ბუღალტერი, ბროკერი, იურისტი, გამყიდველი, აგენტი და სხვა ამგვარი პროფესიები (ანუ არამწარმოებლური სპეციალობები), რაც უაღრესად დიდ ინტერესით სარგებლობს - კომერციულ სტრუქტურებში, მიუხედავად იმისა, რომ ასეთი ვაკანსიები - ნაკლებად იყო წარმოდგენილი, ვიდრე მწარმოებლურ-საინჟინრო სპეციალობები.

Δ სახელმწიფო და მუნიციპალურ ორგანიზაციებს ბაზრობის შემდეგ კვლავ დარჩა აუთვისებელი ვაკანტური ადგილები - მწარმოებლურ-საინჟინრო სპეციალობების სახით;

Δ წარმოდგენილი ვაკანსიების ნუსხაში, ყველაზე მოთხოვნად სპეციალობებად ითვლება მოსამსახურეთა ვაკანსიები (60%), ხოლო მუშათა კატეგორიებზე მოთხოვნა დაახლოებით 25%-ს შეადგენს.

ევროპის მიგრაციული სამსახურში, ასეთი ნორმატიულ-საკანონმდებლო უნიფიცირებული პარამეტრების საშუალებით, სხვა ქვეყნის მოქალაქეებზე გაიცემა კ ვ ო ტ ი რ ე ბ უ ლ ი მოწვევა - სამუშაოს მაძიებელთათვის, ნებისმიერ სამუშაო ადგილების დასაკავებლად, რაც ევროპის ნებისმიერ ქვეყანაში მათ ოფიციალურად უვიზოდ შესვლას განაპირობებს.

ასეთი მიდგომით ღვინდება :

- მყარ მიგრაციული მახასიათებელ/მაჩვენებელთა ფორმირების მზარდი გადაადგილებისას, გარკვეული არალეგალური მიგრაციის მიზეზები და მიზნები;

- ძირითად მიგრაციულ მიმართულებათა, პრინციპების რეგულირება, რაც განაპირობებს მიგრაციული ნაკადებისა და საკანონმდებლო-ნორმატიული ბაზის შექმნას „შრომის ბირჟების“ მოღვაწეობის სფეროში;

- უცხოური სამუშაო ძალის მოწვევა, შესაბამისი საერთაშორისო მიგრაციული სამსახურის (INTERNATIONAL AGENCY PER MIGRATION) ნებართვითა და ადგილობრივი კანონმდებელი სტრუქტურის თანხმობით;

- საკანონმდებლო ნორმატიული ბაზის შექმნა, მისი იურიდიულ-ეკონომიკურ განახლებად მოთხოვნილებათა ფორმირება - ნებისმიერი მიგრაციული ნაკადისათვის;

- საინფორმაციო ოპერატიული მონიტორინგის ჩატარება;

- ყოველივე მოძიებული - ინფორმაცია, ანალიზი, შეფასება, პროგნოზირება,

და სხვა მონაცემები, შემდგომში პრაქტიკულ საქმიანობაში გამოყენება;

- მართვის ავტომატიზირებულ სისტემათა ქმედითი ჩართვა შრომითი მიგრაციის, მატერიალურ - ტექნიკური სტრუქტურის საქმიანობაში;

- მიღწეული და აპრობირებული რეკომენდირებული ეტაპობრივი ფორმირება - საერთო შრომის ბირჟის საქმიანობისთვის.

დღევანდელ სინამდვილეში ახალი და ბევრად პოპულარულ, პრაქტიკულ, ოპერატიულ ფორმად **შრომის საბირჟო** საქმიანობის სფეროში დაიმკვიდრა ადგილი - რეკრუტინგმა ანუ ონლაინ რეჟიმში, ინტერნეტ-რესურსების საშუალებით, სამუშაოს მაძიებელი თავის ვაკანსიას უგზავნის „**შრომის ბირჟას**“, რომელიც აგრეთვე იღებს მონაცემებს - სამუშაოს მიმცემი სტრუქტურებიდან.

ორივე მხრიდან მოწოდებულ ინფორმაციათა დამუშავება (სხვადასხვა მეთოდით) საშუალებას იძლევა მიღებულ იქნას - ბევრად ობიექტური, დიდი ალბათობის მქონე რეზიუმე, სამუშაოს მაძიებელსა და ვაკანსიის მიმცემს შორის, რაც შედეგად იძლევა - დააკავშიროს ერთმანეთთან ორივე მხარისათვის სასურველი ვარიანტები.

სტატისტიკური მონაცემები მოწმობენ, რომ მაღალმოთხოვნადი (მორალურ, მატერიალურ და ფიზიკურ ფორმებსა და გამოსახულებებში) სამუშაო ადგილის მოძიების რეიტინგი ბევრად მაღალია იმ მაძიებელთათვის, რომლებიც სარგებლობენ ელექტრონული შრომითი ბირჟის პირობებით.

ასეთი მრავალმასშტაბური ელექტრონული მიდგომა განაპირობა - მაქსიმალურად გამარტივებული, სწრაფად ცვალებადი, ობიექტური და რეალური ინფორმაციული ბაზის შექმნა-ფორმირებამ, როგორც სამუშაოს მაძიებელთათვის, ასევე სამუშაოს მიმცემთათვის.

დღეისათვის ელექტრონული შრომითი ბირჟები წარმოადგენენ ერთ-ერთ ყველაზე ეფექტურ ორგანიზაციულ - სამართლებრივ ფორმას - მოსახლეობის დასაქმების სფეროში.

„**შრომის ბირჟა**“ დღეისათვის ფლობს ორგანიზაციულ - იურიდიულ ფორმებს - რეკრუტირებული სააგენტოებიდან დაწყებული - მოსახლეობის დასაქმების სამსახურით დამთავრებული, რომლების მოსახლეობას სთავაზობენ - მომსახურების ფართო ფორმებს.

რაც შეეხება საქართველოში „**შრომის ბირჟის**“

განვითარების პერსპექტივებს, ჩვენი აზრით, გასათვალისწინებელია ის ისტორიული გამოცდილება, რომელიც ჩვენს ქვეყანას გააჩნდა რუსეთის იმპერიაში ყოფნისას. XX საუკუნის დასაწყისში რუსეთის იმპერიაში შეიქმნა პირველი შრომითი ბირჟები დიდ სამრეწველო ქალაქებში. მ.შ. ამიერკავკასიაში და კერძოდ საქართველოში (თბილისი - ბაქო - ბათუმი).

1917 წ. რევოლუციის და საბჭოთა კავშირის ჩამოყალიბების შემდგომ 1929 წლამდე შენარჩუნებული იყო აღნიშნული შრომის ბირჟები. მას შემდეგ რას საბჭოთა ხელისუფლებამ გამოაცხადა - უმუშევრობის პრობლემა „დაძლეულად“, გაუქმებულ იქნა ეს შრომის ბირჟები.

ისტორიულად ცნობილია, რომ უმუშევრობის პრობლემის დაძლევა საბჭოთა კავშირში მოხდა სამი მიმართულებით:

1. იძულებითი შრომა - დაბალი ანაზღაურებით, მთელი ქვეყნის მასშტაბით.
2. ქვეყნის მიერ წამოწყებული ინდუსტრიული გარდაქმნა, რომელიც გამოხატული იყო ფართო მასშტაბიანი ობიექტების მშენებლობით, სადაც შრომას ასევე იძულებითი ხასიათი ჰქონდა (ფართოდ გამოიყენებოდა - პოტიმართა შრომა. ამის თვალსაჩინო მაგალითია „Беломор-канал“-ის და „Днепр-Гес“-ის მშენებლობა).
3. იძულებითი შიდა მიგრაციის შეზღუდვა, სოფლიდან - ქალაქში, რაც გამოიხატებოდა სოფლის მოსახლეობისათვის, საპასპორტო რეჟიმით (ეს რეჟიმი ქვეყანაში 50 - იანი წლების ბოლომდე იქნა შენარჩუნებული, რამაც ხელოვნურად შეამცირა უმუშევრობა).

საბჭოთა კავშირის დაშლის შემდეგ, მის ყოფილ რესპუბლიკებში, რომლებიც ჩამოყალიბდა დამოუკიდებელ ქვეყნებად, ერთ-ერთ მწვავე პრობლემად იქცა უმუშევრობა. ამ პრობლემის სიმწვავეს ხელი შეუწყო ეკონომიკის არასტაბილურობამ და პოლიტიკურმა სიმეფიფემ.

ამ პროცესიდან არ იყო გამონაკლისი საქართველო. 90-იანი წლების ცნობილმა მოვლენებმა და ეკონომიკის არამდგრადობამ, რაც გამოიხატებოდა - ნედლეულისა და გასაღების ბაზრის დაკარგვით, ჩვენი ქვეყანა უმძიმეს მდგომარეობაში ჩააყენა. 90-იანი წლების მეორე ნახევარში, ეკონომიკური გამოცოცხლების პირობებში, ადგილი ჰქონდა უმუშევრობის დაძლევის სუსტ მცდელობებს. კერძოდ, იყო მცდელობები - ორგანიზებული სახე მისცემოდა ამ პროცესს „შრომის ბირჟების“ ჩამოყალიბების სახით. კერძოდ, 1999 წელს დაწყებულმა მსოფლიო საფინ-

ანსო ეკონომიკურმა კრიზისმა, შეაფერხა შემდგომი ეკონომიკური განვითარება და მასთან ერთად - უმუშევრობის პრობლემის დაძლევა.

იმ პროცესებმა, რომლების განვითარდა XXI საუკუნეში ჩვენს ქვეყანაში, კერძოდ - ეკონომიკის გააქტიურებით (რაც გამოიხატებოდა უცხოური ინვესტიციების ზრდით), ვერ შეუწყო ხელი - უმუშევრობის შემცირებას. ეს გარემოება განპირობებული იყო მთავრობის იმ ქმედებით, რომ შემცირდა სახელმწიფო დაწესებულებებში - დასაქმებულთა რაოდენობა ქვეყანაში ზოგიერთი ეკონომიკური პროექტის შეკვეცით.

ზოგიერთი ექსპერტული შეფასებით, უკანასკნელ ათწლეულში, სამუშაო ადგილები შემცირდა 150 000 ერთეულით. ისეთი პატარა ქვეყნისათვის, როგორც საქართველო - საკმაოდ დიდი ციფრია. ამ მოვლენას დაემატა - პოლიტიკური არასტაბილურობა (საქართველო - რუსეთის ომი), რამაც გამოიწვია დევნილთა რაოდენობის ზრდა და ტერიტორიების - დაკარგვა. ამას დაემატა მსოფლიო - საფინანსო ეკონომიკური კრიზისი, რამაც გამოიწვია ქვეყანაში უცხოური ინვესტიციების შემცირება.

ბოლო პერიოდში, მთავრობის მიერ გატარებული ღონისძიება, „დასაქმების სამინისტროს შექმნა“ - გერავითარ კრიტიკას ვერ უძლებს. ზემოთმოყვანილი მაგალითები გვაძლევს საშუალებას დავასკვნათ:

უმუშევრობის დაძლევა ხელოვნურად, სამინისტროების შექმნით - **არაპოპულარულია** და იგი დამახასიათებელია არა საბაზრო ეკონომიკისათვის არამედ, **რეგულირებადი** ეკონომიკის ქვეყნებისათვის. ისტორიული გამოცდილება მოწმობს, რომ ამ პრობლემის გადაწყვეტის ძირითადი გზაა ბიზნესის განვითარების ხელშეწყობა და ეკონომიკის მონოპოლიზმის გზით - **თავისუფალი ეკონომიკის** განვითარება, რომელიც ქმის - ორგანიზებულ კერძო სტრუქტურას - **შრომის ბირჟებს**, რომლის მაგალითები ასე ფართოდაა მოყვანილი ჩვენს სტატიაში.

ყოველივე ზემოაღნიშნულიდან გამომდინარე, ჩვენ ვთვლით, რომ თანამედროვე ეტაპზე საქართველოსათვის აუცილებელია შეიქმნას შრომის ბირჟები, რომლებიც ჩართული იქნებიან მსოფლიო საბირჟო სტრუქტურებში, რაც ხელს შეუწყობს უმუშევრობის პრობლემების ცივილურ გადაწყვეტას, მსოფლიო გამოცდილების გათვალისწინებით.

სტატიის ავტორები მკითხველებს უახლოეს პერიოდში მიაწვდიან სტატიის მეორე ნაწილს, რომელიც ძირითადად ასახავს „შრომის ბირჟების“ პრაქტიკულ საქმიანობას და სტატისტიკურ ანალიზს მსოფლიო გამოცდილების გათვალისწინებით.

რეზიუმე

საუბარია იმ ისტორიულად სავალდებულო დაპერსპექტიული სტრუქტურული ერთეულის არსებობაზე, რომელიც განაპირობებს დღეისათვის ისეთი სოციალურად პრიორიტეტული ფენომენის წარმოდგენას, რასაც **„შრომითი დასაქმება“** ეწოდება და რომელიც ეკონომიკურ მეცნიერებაში ცნობილია - „შრომის ბირჟის/ბაზრის სახელით.

„შრომის ბირჟა“ წარმოადგენს შუამავალ სტრუქტურულ ერთეულს, შორის - შრომითი ძალის ყიდვა - გაყიდვის გარიგებითი განხორციელების საფუძველზე.

ამჟამად მან მიიღო ახალი ფუნქციური მნიშვნელობა **„ნაციონალური“** სტატუსის დონეზე. იგი დღეისათვის ფლობს იურიდიულ, მორალურ, მატერიალურ, ფიზიკურ - სახელმწიფოებრივ სტრუქტურულ დასაქმებით პრობლემათა გადაწყვეტის რეგულირებად საქმიანობას.

დღევანდელ საქართველოში, მეტად აქტუალური **„ნიში“** გამოიკვეთა - მოსახლეობის დასაქმებითობისათვის, რომელიც თავის თავზე იღებს პრესტიჟულად და რეიტინგულად მართებულ ფუნქციას.

სახელმწიფოებრივად სავალდებულო, მოსახლეობისათვის სტანდარტულად მისაღები, შემოსავლის უზრუნველყოფა, ქვეყნის სინამდვილეში ქმნის - ეკონომიკურ ინფრასტრუქტურათა რეალური არსებობისათვის (ერთიან სახელმწიფოზე მისადაგებულ წინაპირობა საფუძველს), რაც შემდგომში თავისი განვითარებადი ფორმებით მისცემს ამ სტრუქტურას რეალურად შემდგომი ეტაპების გავლის საშუალებას.

თეორიულად წარმოდგენილი, სოციალურად ორიენტირებული „შრომითი ბირჟის“ მოდელი, გამოირჩევა მოსახლეობისადმი მხარდაჭერის განვითარებული სისტემური მიდგომით, რეალურ - პრაქტიკული არსობითა და სოციალურ - სამომხმარებლო ფუნქციათა პრაქტიკულობით.

თეორიულად წარმოდგენილი **„შრომის ბირჟის“** კონცეპტუალური მიდგომა და სახელმწიფოს მიერ **„დასაქმების სამსახურის“** ფუნქციების „გადაკვეთა“ იძლევა საფუძველს, პრაქტიკულად ჩამოყალიბდეს, ქვეყნის სოციალურ - სამომხმარებლო სტანდარტული სტრუქტურა, სახელმწიფოს სოციალური უმთავრესი ვალდებულების - **მოსახლეობის დასაქმების** უზრუნველსაყოფად.